

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2316008236, 2315979597, 2315914502 և 2315892192 որոշումներն անփոփոխ, իսկ վարչական բողոքն առանց բավարարման թողնելու մասին

<< 23 >> 03 2023թ. 7-13- 2618

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Շուշանիկ Զուլհալյանի ՄԴ/19630-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Շուշանիկ Զուլհալյանը (ծանուցման հասցե՝ քաղաք Երևան, Դավթաշեն վարչական շրջան, Դավթաշեն 4-րդ թաղամաս, 2բ-րդ շենք, 45-րդ բնակարան) դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 2316008236, 2315979597, 2315914502, 2315892192 և 2215584569 որոշումները՝ նշելով, որ համաձայն չէ կայացված որոշումների հետ:

Դիմումի քննարկման արդյունքում պարզվել է, որ վարչական բողոքը ենթակա է մերժման՝ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Վարչական իրավախախտումների վերաբերյալ << օրենսգրքի 124--րդ հոդվածի 21-րդ մասի համաձայն՝ տրանսպորտային միջոցների վարորդների կողմից կանգառի և (կամ) կայանման կանոնները խախտելը, առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով, տուգանային միավորի կիրառում՝ 0.5 միավոր:

Ճանապարհային ոստիկանության վարչական տույժ նշանակելու մասին թիվ 2316008236 որոշման հիմքում դրված տեսանյութը փաստում է, որ դիմումատուին պատկանող <<MINI>>

մակնիշի 35ZF470 հաշվառման համարանիշի տրանսպորտային միջոցը Երևան քաղաքի Վարդանանց – Վարդանանց փակուղի փողոցների խաչմերուկի հատվածում՝ 14.02.2023թ.-ին ժամը 09:58:21-րդ վայրկյանից ժամը 09:59:22-րդ վայրկյանը 61 վայրկյան տևողությամբ տեղակայված է երթևեկելի մասի երկրորդ շարքում:

Ճանապարհային ոստիկանության վարչական տույժ նշանակելու մասին թիվ 2315979597 որոշման հիմքում դրված տեսանյութը փաստում է, որ դիմումատուին պատկանող <<MINI>> մակնիշի 35ZF470 հաշվառման համարանիշի տրանսպորտային միջոցը Երևան քաղաքի Վարդանանց – Վարդանանց փակուղի փողոցների խաչմերուկի հատվածում՝ 08.02.2023թ.-ին ժամը 10:06:16-րդ վայրկյանից ժամը 10:07:35-րդ վայրկյանը 79 վայրկյան տևողությամբ տեղակայված է երթևեկելի մասի երկրորդ շարքում:

Ճանապարհային ոստիկանության վարչական տույժ նշանակելու մասին թիվ 2315914502 որոշման հիմքում դրված տեսանյութը փաստում է, որ դիմումատուին պատկանող <<MINI>> մակնիշի 35ZF470 հաշվառման համարանիշի տրանսպորտային միջոցը Երևան քաղաքի Խանջյան – Վարդանանց փողոցների խաչմերուկի հատվածում՝ 24.01.2023թ.-ին ժամը 10:15:32-րդ վայրկյանից ժամը 10:16:53-րդ վայրկյանը 81 վայրկյան տևողությամբ տեղակայված է երթևեկելի մասի երկրորդ շարքում:

<<Կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 84-րդ կետի 7-րդ ենթակետի համաձայն, կանգառն արգելվում է 1.17 գծանշմամբ նշված ընդհանուր օգտագործման տրանսպորտային միջոցների կանգառի կետի տարածքում կամ, այդ գծանշման բացակայության դեպքում, ընդհանուր օգտագործման տրանսպորտային միջոցների կանգառի կամ տաքսիների կայանման տեղերի ցուցիչներից 15 մ մոտ, իսկ 5.18՝ <<Թեթև մարդատար տաքսիների կայանման տեղ>> նշանի առկայության դեպքում՝ տաքսիների կայանման վայրերում:

Ճանապարհային ոստիկանության վարչական տույժ նշանակելու մասին թիվ 2315892192 որոշման հիմքում դրված իրավախախտումն ամրագրած տեսանյութը փաստում է, որ Երևան քաղաքի Վարդանանց – Վարդանանց փակուղի փողոցների խաչմերուկի հատվածում՝ 19.01.2023թ. ժամը 17:21:23-րդ վայրկյանից ժամը 17:22:24-րդ վայրկյանը, որը կազմում է 61 վայրկյան՝ դիմումատուին պատկանող տրանսպորտային միջոցը, որը կահավորված է տաքսու տարբերանշանով՝ տեղակայված է թեթև մարդատար տաքսիների կայանման տեղի տարածքում:

<<Ավտոմոբիլային տրանսպորտի մասին>> ՀՀ օրենքի 17-րդ հոդվածի 2-րդ մասի <<բ>> կետի համաձայն՝ տաքսամոտորային փոխադրումներն իրականացնողների ավտոտրանսպորտային միջոցները պետք է կահավորված լինեն՝ տանիքին «SUՔՍԻ» գրառմամբ կամ շախմատաձև դեղին և սև տարբերանշանով:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ Սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել:

Վարչական իրավախախտումների վերաբերյալ ՀՀ օրենսգրքի 9-րդ հոդվածի 1-ին մասի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն, իսկ ՀՀ Սահմանադրության 6-րդ հոդվածի 1-ին մասի համաձայն՝ պետական և տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով:

Այսպիսով, դիմումատուի արարքներում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի հատկանիշները, հետևաբար նրան վարչական պատասխանատվության ենթարկելու մասին վերը նշված որոշումներն օրինական են և իրավաչափ:

Ինչ վերաբերում է վարչական տույժ նշանակելու մասին թիվ 2215584569 որոշմանը, ապա Ձեր կողմից այն չի բողոքարկվել, քանի որ ծանուցվել եք վճարման միջոցով 09.12.2022թ-ին և 16.03.2023թ. դիմում ներկայացնելով Ձեր կողմից բաց է թողնվել Վարչական իրավախախտումների վերաբերյալ ՀՀ օրենսգրքի 288-րդ հոդվածով նախատեսված՝ թիվ 2215584569 որոշման դեմ գանգատ տալու համար սահմանված 30-օրյա ժամկետը, ուստի այն քննարկման ենթակա չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2316008236, 2315979597, 2315914502 և 2315892192 որոշումները թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Շուշանիկ Զուլհալյանին:



Սարգսյան